



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU STRANKE PRAVDE I RAZVOJA BOSNE I HERCEGOVINE

Broj: 03-07-6-651/13
Sarajevo, 27. mart 2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE.....	5
5.1. NALAZI REVIZIJE.....	5
5.2.PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke pravde i razvoja Bosne i Hercegovine za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. Godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i odredbama poglavlja 15 Izbornog zakona BiH, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu obavljenog pregleda godišnjeg finansijskog izvještaja za 2012. godinu, utvrđeno je da je Stranka pravde i razvoja Bosne i Hercegovine prekršila odredbe člana 11. stav (1) i (3) Zakona o finansiranju političkih stranaka, koji je bio na snazi do 04.12.2012. godine.

Pregledom, odnosno kontrolom finansijskih izvještaja, nismo utvrdili ništa značajno, osim gornje napomene, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke pravde i razvoja Bosne i Hercegovine za 2012. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka pravde i razvoja Bosne i Hercegovine je ostvarila prihod u iznosu od 10.494,82 KM, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00 %
2	Prilozi fizičkih lica	0,00	0,00 %
3	Prilozi pravnih lica	0,00	0,00 %
4	Prihodi od imovine	1.002,34	9,55 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	9.492,48	90,45 %
	Ukupni prihodi:	10.494,82	100,00 %

U godišnjem finansijskom izvještaju Stranka pravde i razvoja Bosne i Hercegovine je iskazala ukupne rashode u iznosu 17.122,50 KM.¹

2. PREDSTAVLJANJE POLITIČKE STRANKE

Naziv političke stranke je Stranka pravde i razvoja Bosne i Hercegovine. Skraćeni naziv stranke je SPR-BiH.

Stranka je registrovana kod Općinskog suda u Mostaru broj upisa: R/3-08 od 06.05.2008. godine, sa sjedištem u Konjicu, ulica Kolonija 66/II-12.

Lice ovlašteno za zastupanje stranke je Emir Omerović, predsjednik stranke.

Lice ovlašteno za podnošenje finansijskih izvještaja za 2012. godinu je Hatidža Gagula.

Prema podacima iz godišnjeg finansijskog izvještaja za 2012. godinu, Stranka pravde i razvoja Bosne i Hercegovine nema niže nivoe organizovanja.

¹ Ispravljeni obraci godišnjeg finansijskog izvještaja od 19.08.2013. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke pravde i razvoja Bosne i Hercegovine za 2012. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Stranke pravde i razvoja Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode iz budžeta i troškove kampanje.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Stranke pravde i razvoja Bosne i Hercegovine u periodu od 2008. do 2011. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Pregledom godišnjeg finansijskog izvještaja za 2011. godinu nije utvrđeno ništa značajno što bi ukazalo na nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

5. NALAZI I PREPORUKE REVIZIJE

5.1. NALAZI REVIZIJE

- a) **Stranka pravde i razvoja Bosne i Hercegovine je prekršila odredbe člana 11. stav (1) i (3) Zakona o finansiranju političkih stranaka.**²

² U skladu sa odredbom člana 11. stav (1) Zakona o finansiranju političkih stranaka, koji je bio na snazi do 04.12.2012. godine, stranka je obavezna voditi evidencije o svojim prihodima i rashodima.

U skladu sa odredbom člana 11. stav (3) Zakona o finansiranju političkih stranaka, koji je bio na snazi do 04.12.2012. godine, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja u 2012. godini uređeni su tada važećim Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

- Stranka nije u skladu sa poreskim propisima, obračunala i platila porez na dohodak i pripadajuće doprinose na sredstva isplaćena fizičkim licima, troškove i obaveze koje po osnovu poreza i doprinosa nije evidentirala u poslovnim knjigama, niti u godišnjem finansijskom izvještaju stranke, čime je prekršila odredbe člana 11. stav (1) i (3) Zakona o finansiranju političkih stranaka.

Stranka pravde i razvoja Bosne i Hercegovine je u svojim poslovnim knjigama i godišnjem finansijskom izvještaju za 2012. godinu iskazala ostale rashode u iznosu od 4.223,34 KM. Uvidom u dostavljenu dokumentaciju, utvrđeno je da se dio tih troškova, odnosno iznos od 1.690,00 KM odnosi na angažovanje posmatrača na Lokalnim izborima za 2012. godinu.

Imajući u vidu da stranka nema zaposlena lica, odnosno nema sklopljene ugovore o radu, navedene isplate sa poreskog aspekta imaju karakter ličnih primanja, te je na iste imala obavezu da izvrši obračun poreza na dohodak i pripadajuće doprinose.

- Stranka je u obrascu 3-c finansijskog izvještaja (Prihodi od imovine političke stranke) iskazala prihod u iznosu od 1.000,00 KM, po osnovu prodaje putničkog vozila. Uvidom u dokumentaciju utvrđeno je da je prodato vozilo marke Rover na dan prodaje imalo sadašnju vrijednost u iznosu od 2.533,34 KM, te da je prodajom istog za 1.000,00 KM stranka ostvarila gubitak po osnovu prodaje u iznosu od 1.533,34 KM. Pogrešnim iskazivanjem prihoda stranka je neosnovano uvećala prihod stranke za 1.000,00 KM, čime je prekršila odredbe člana 13. stav (1) i člana 16. Pravilnika.³

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM⁴ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima iz godišnjeg finansijskog izvještaja, u svrhu izborne kampanje Stranka pravde i razvoja Bosne i Hercegovine je ostvarila troškove u iznosu od 292,00 KM, iako je prema podacima Centralne izborne komisije BiH, na osnovu broja birača, mogla potrošiti 51.505,80 KM.

³ U skladu sa članom 13. stav (1) Pravilnika u obrazac 3 unose se sljedeći podaci: Opšti podaci, promet po transakcijskim računima stranke, ukupan prihod političke stranke – izvori finansiranja, rashodi političke stranke kao i pozajmice, krediti i dugovi.

U skladu sa članom 16. Pravilnika u obrazac 3-c (Prihodi političke stranke od imovine) unose se sljedeći podaci: naziv organizacionog dijela stranke, vrsta imovine na osnovu koje se ostvaruju prihodi, korisnik imovine, br. ugovora, odluke rješenja, iznos ostvarenog prihoda i iznos naplaćenih sredstava.

⁴ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Stranci pravde i razvoja Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi potpune evidencije o svim rashodima stranke,*
- *da finansijske izvještaje podnosi u formi koju je odobrila Centralna izborna komisija BiH i*
- *da poštuje i druge propise, prvenstveno poreske.*

KOMENTAR

Stranka pravde i razvoja bosne i hercegovine nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2012. godinu koji je stranci dostavljen 04.03.2014. godine.

Revizor

Veliborka Kenjić

Šef Službe za reviziju

Mr.sc. Hasida Gušić